



Më  
Dana

28-09-2018

**REPUBLIKA E KOSOVËS**  
**REPUBLIKA KOSOVA - REPUBLIC OF KOSOVO**  
**GJYKATA THEMELORE FERIZAJ**

Numri i lëndës: 2018:017431  
Datë: 29.08.2018  
Numri i dokumentit: 00108845

**P.nr.697/18**

**NË EMËR TË POPULLIT**

**GJYKATA THEMELORE FERIZAJ, Departamenti i Përgjithshëm – Divizioni Penal**, si gjykatë e shkallës së parë penale, me gjyqtarin Adem Shabani si dhe procesmbajtësen Kadishe Shabani, zyrtare ligjore, në çështjen penale kundër të pandehurit [REDACTED] nga Fshati [REDACTED], Komuna Ferizaj, për shkak se ka kryer veprën penale lëndim i lehtë trupor nga neni 188 paragrafi 1 të KPRK-së, sipas Aktakuzës: PP/II.nr.760-3/18 dt.16.05.2018, të Prokurorisë Themelore në Ferizaj-Departamenti i Përgjithshëm, pas përfundimit të shqyrtimit gjyqësor publik të mbajtur me datë 15.08.2018, në praninë e Prokurorit të Shtetit Valdet Avdiu, si dhe të pandehurit [REDACTED] mori dhe publikisht shpalli aktgjykimin, me datë 15.08.2018 ndërsa më dt.29.08.2018 përpiloi këtë:

**A K T G J Y K I M**

**I pandehuri:** [REDACTED] i lindur me [REDACTED], nga i ati [REDACTED] dhe nëna [REDACTED] e gjinisë [REDACTED], me vendbanim në Ferizaj, me profesion punëtor, i gjendjes së mesme ekonomike, Shqiptar, Shtetas i Republikës së Kosovës me numër personal [REDACTED]

**ËSHTË FAJTOR**

**Sepse:**

Me datën 29 janar 2018, rreth orës 00:10, në rrugën “Sejdi Sejdiu”, në Ferizaj, pas një mosmarrëveshje rreth një borxhi, me dashje që ti shkakton lëndim trupor e godet me grushte

nëpër pjesë të ndryshme të trupit të dëmtuarin [REDAKTUAR], i cili për pasojë pëson lëndime trupore, me dëmtuarin të përkohshëm për shëndetin.

-me këtë ka kryer veprën penale lëndim i lehtë trupor nga neni 188 par. 1 të KPRK-së.

Prandaj, gjykata në bazë të neneve 3,4,7,8,17,41,42,46,73 të KPRK-së, si dhe në bazë të neneve 365 të KPPRK-së, e

### G J Y K O N

Të pandehurin [REDAKTUAR], dënim me gjobë në shumë prej 150 € (njëqind pesëdhjetë euro), të cilën obligohet ta paguaj brenda afatit prej 60 /gjashtëdhjetë/ ditëve, pasi aktgjykimi të merr formë të prerë.

Nëse i akuzuari nuk dëshiron ose nuk mund ta paguajë dënimin brenda afatit prej 1 (një) muaj, pasi aktgjykimi të merr formë të prerë, atëherë gjykata dënimin me gjobë do t'ia zëvendësojë me dënim burgimi ashtu që për çdo 20€ (njëzetë euro), të papaguara do t'i llogaritet 1 (një) ditë burg.

I dëmtuari [REDAKTUAR] nga Fshati [REDAKTUAR], Komuna Ferizaj, për realizimin e kërkesës pasurore- juridike udhëzohen në kontest civil.

Obligohet i akuzuari që në emër të shpenzimeve të paushallit gjyqësor të paguaj shumën prej 20 Euro /njëzet/ si dhe shpenzimet e procedurës penale në shumë prej 20 Euro (njëzet euro), në afatin prej 15 ditëve pasi që aktgjykimi të marr formën e prerë nën kërcënimin e ekzekutimit me dhunë..

Detyrohet i akuzuari që për kompensimin e Viktimave të Krimit, të paguaj shumën prej 30 Euro /tridhjetë/, brenda afatit prej 15 ditësh nga dita e plotfuqishmërisë së këtij aktgjykimi.





mjeko-ligjore e dt. 08.05.2018 si dhe deklarata e palëve të cilat i kanë dhënë në procedura paraprake.

- si dhe akuza nuk përmban asnjë shkelje të qartë ligjore ose gabime faktike.

Me qenë se i akuzuari e ka pranuar fajësinë e cila është në përputhje me kriteret e përshkruara më lartë, andaj gjyqtari individual konform nenit 248 paragrafit 4 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit, *(nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësorë, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt.19.03.2013).*

Gjykata pas administrimit të provave në shqyrtim gjyqësor publik dhe vlerësimit të tyre një nga një dhe në lidhje me provat e tjera, ku në bazë të vlerësimit të tillë vërtetoi këtë gjendje të fakteve si në vijim: Me datën 29 janar 2018, rreth orës 00:10, në rrugën "Sejdi Sejdiu", në Ferizaj, pas një mosmarrëveshje rreth një borxhi, me dashje që ti shkakton lëndim trupor e godet me grushte nëpër pjesë të ndryshme të trupit të dëmtuarin [REDAKTUAR] i cili për pasojë pëson lëndime trupore, me dëmtuarin të përkohshëm për shëndetin.

Vlerësuar nga aspekti juridik gjykata gjeti se në veprimet e të pandehurve ekzistojnë të gjitha tiparet objektive dhe subjektive të veprës penale lëndim i lehtë trupor nga neni 188 par 1 të KPRK-së.

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73 dhe 74 të KPRK-së, dhe gjeti si rrethanë lehtësuese se në shqyrtimin fillestar ka pranuar fajësinë, duke e shprehur pendimin e sinqertë dhe real për veprën penale të kryer, i gjendjes së mesme ekonomike, ndërsa në mungesë të rrethanave veçanërisht rënduese, gjykata vlerësoi shkallen e përgjegjësisë penale të të pandehurit dhe rrezikshmërinë konkrete të veprës penale, andaj duke marrë parasysh tërësinë e këtyre rrethanave, të pandehurit i shqiptoi dënim si në dispozitiv të këtij aktgjykimi, me bindjen se në rastin konkret do të arrihet qëllimi i dënimit të preventives speciale dhe asaj gjenerale, ku një dënim i tillë është adekuat dhe në proporcion të drejtë në raport me peshën e veprës penale, rrethanave të kryerjes së veprës penale, shkallen e përgjegjësisë penale dhe personalitetin e të pandehurit.

Vendimi mbi shpenzimet paushalle është marr në kuptim të dispozitës së nenit 450 par. 1 dhe 2 pika 2.6 lidhur me nenin 453 par. 1 të KPPRK-së.

Vendimi për kompensimin e viktimave të krimit është marrë konform nenit 39 par 3 pika 3.1, Nr. 05/L-036 të ligjit për kompensimin e Viktimave të Krimit.

Vendimi mbi udhëzimin e realizimit të kërkesës pasurore-juridike është marr në kuptim të nenit 463 par. 1 dhe 2 të KPPRK-së.

**Në bazë të së theksuarës më lartë u vendos si në dispozitiv të këtij aktgjykimi**

**GJYKATA THEMELORE NË FERIZAJ**  
**Departamenti Përgjithshëm-Divizioni Penal,**  
**P.nr.697/18 datë 29.08.2018.**

**Zyrtare ligjore**

**Kadishe Shabani**

**Gjyqtari**

**Adem Shabani**



**KËSHILLA JURIDIKE:** Kundër këtij aktgjykimi mund të ushtrohet ankesë në afat prej 15 ditëve, pas pranimit të kopjes me shkrim të kopjes me shkrim të këtij aktgjykimi, Gjykatës së Apelit në Prishtinë. Ankesa i dorëzohet Gjykatës Themelore në Ferizaj.